

Қабанбай батыр – ел тарихының ең ұлы, ең мақтанышты тұлғаларының бірі. ХҮІІІ ғасырдың ұлт-азаттық күресінің көрнекті көсемі. Байтақ сахараның төрт тарапында болған шайқастардың бәріне қатысқан. Жекпе-жекте жеңіс бермеген жеке батырлығымен әуелі ұлысын, сосын күллі қазақ жасағын басқарған. Білікті қолбасшылығымен көзге түскен. Әсіресе жоңғарларды Сарыарқадан түре қуып, Алтай-Тарбағатайды жаудан босататын шешуші кезеңде оның абырой-даңқы аспандап өскен. Жарты ғасырдан астам уақытқа созылған жауынгерлік жолында талай ауыр шайқастарға бас болып кіріп, жеңіспен аяқтаған сайыпқыран. Ел арасында айрықша аталып, аспанда-та ұлықталған тұлға.

Қаракерей Қабанбай қатыспаған бірде-бір ірі шайқас болмаған. Қабанбай батыр осындай сұрапыл шайқастарда 103 рет жекпе-жекке шығып, барлығында жеңіске жеткен.

Қазақ батырларына бас, ерлік істерге ұйытқы болған ұлы қолбасшы өз кезеңінде атты әскер соғысының мықты стратегі, жекпе-жектің теңдесі жоқ шебері болған. Осылайша есімі елге танылған Қабанбай қазақ жерін жаудан азат етуде алпыс жыл ат үстінен тұспеген.

Қабанбай жүз басыдан мыңбасы, мыңбасыдан түменбасына дейін көтерілген.

Қазақ халқының елі мен жерінің тұтастығы, бүтін ел, мемлекет болу арманы Қабанбайды Абылайға жақындастырады. Ол Абылай сұлтанның ең бірінші болып достық ықыласын білдірген. Тағдыр оған Қабанбай сияқты хас батырларды тұстас келтірді. Олар бір-біріне сүйеніш бола білді. Және Қабанбай батыр Абылай ханның саясатын қолдап, қалың Найман руына бас сардары болып, Абылай ханға бағындырып, бірлігін сақтау саясатын жүргізген. Абылай ханға үш жүздің тізгінін ұстатқан. Соғыс даласында үнемі Абылаймен ақылдасып, билер кеңесі арқылы шешім қабылдап отырған.

Ежелден келе жатқан үрдіс бойынша, қазақ әскер құрамы ру-тайпаға қарай жасақталатын, ру-тайпалық жасақтар керек кезінде тез жиналып отырды, әрбір әскери жасақтың өз таңбасы мен ұраны болды.

Русыз өріс-қонысты бөлісу, әскер жинау мүмкін емес, әр рудың ағасы әскербасы болған. Соғыс бола қалған жағдайда әрбір ер-азамат қолына қару алып, ұрысқа, майдан даласына аттанған.

Аттаныста, не жау шабуылын күткен қорғаныста сактық үшін көш қалқаны ретінде ертауыл жасағы құрылған, барлаушылар тобы, себебі барлауға керемет көңіл бөлінген, барлаудан үлкен үміт күткен, жергілікті жер туралы мәліметтерді жинау, дұшпан күштерінің орналасуын барлап білу, өте қажет болған. Барлаушылар – жеңіл атты әскерлер, негізгі күштен екі күншілік жерде жүріп отырған.

Ал Үлкен аттаныста жорық кезінде: он қол, сол қол, тұтқауыл, тосқауыл, бақауыл құрылған. Тосқауыл тобы торуылға тап болып, бөгет жасаған, ал тұтқауыл тобына ұрыс даласына үнемі қатар сайын қосымша күш жіберіліп тұрған. Арнайы мерген тобы айрықша тапсырма орындаған: олар шапшаң түрде қолма-қол тікелей башшылық жұмысын атқарған. Бақауыл тобы шаруашылық жұмыстарын жүргізген: аспаздарды бақылау, қоймаларды сақтау міндеттерін орындау. Шағалақ батырға жүктелген.

Әскер ондыққа, жүздікке, мыңдыққа, он мыңдыққа (түмен) бөлінді. Мысалы: Ақым-



Қабанбай – орта жүздің арыстаны.
Жау сасқан аттың естіп алыстағы.
Қабанбай, ер Бөгенбай заманында
Кетпеген дұшпанына намыстары.

«Қабанбай міңге
Құбас ат» дастанына.

ҚАБАНБАЙ БАТЫР

Өмірі мен әскери шеберлігі – ұрпаққа өнеге

бет, Сыбан, Мұрыннан құралған жасақтың мыңбасын Еспенбет батыр басқарған. Мыңбасылар арнайы қосымша қару-жарақ, жылқы қорын ұстады. Ол уақытта Шыңғыс ханның соғыс тәсілі әлі ұмытылмаған. Әскер он қанат, сол қанат, орта (маңдай) болып үшке бөлінген. Әрбір бөлімнің өз алдына шебі болды. Мұнымен қоса, жалпы алдыңғы шеп және резерв болды. Әрбір жорық алдында байқау өткізілетін, онда әрбір сарбаздың киім-кешегі, қару-жарағы қоржыны мен торсығына дейін тексерілді.

Қазақ ірі батыр атану соңынан ерткен қолының санына байланысты есептелетін. Ол кезде әскер рулық жүйемен жиналады.

Найман, арғындардан бір-бір түменнен қол шығатын, қалған кіші рулардан бес мың, үш мың болып қазақ әскері құралған, ал кіші тайпалардан мың қол шығатын. Оның батыры мыңбасы аталатын.

Қабанбай батырдың қолын құраған әскер негізінен еліміздің шығыс, терістік – шығыс жағындағы төрт арыс Найман, Арғын, Уақ, Керей тайпаларынан шыққан жасақтар болғаны да белгілі. Ал кейбір ұрыстарда Қабанбай батырдың қоластында біраз қазақ тайпалардың өкілдері де соғысқан.

Қазақ сардарының сауыт-сайманы және қару-жарағы ұрыста шешуші рөл атқарған.

Жауынгер сауыт киіп, қылыш ұстаған қоян – қолтық айкаста қанжарлар, семсерлер, айбалталар пайдаланылды. Семсерлер көбіне қайыңнан жасалды. Жекелеген жауынгерлерді темір семсерлер болды.

Бастарында болат дулыға, үстерінде акберен сауыт, белдерінде қайық қылыш, бұған қосымша ұшы темір, ілмегі бар ұзын найзалар болды, онымен жауды аттан құлататын, әрбір жауынгер нықтарында садақ қайың оқты жебе салынған қорамсақ ұстады, білектен қалқан, тақымында ұзын сапты көк сүңгі де болды.

Атты әскердің қоржынында азық-түлігі болды: екі торсығының біреуінде су, екіншісінде келтірілген ет, құрт, айран болды.

Негізгі қазақ сарбаздарының әскері – атты әскер болды. Ал Қабанбай атты әскер соғысының тактикасы мен стратегиясын жасады. Атты әскер жаудың негізгі күшімен шайқасты, атты әскер қосымша көп жылқы ұстады, мұның өзі олардың ұзақ қашықтыққа тез жетуіне көмектесті. Әр салтатты дойыр қамшы, сойылдар, ат құрықтайтын немесе дұшпан мойнына салатын құрықтар және ұзын арқан ұстады. Құрық салып садақ пен жебе ату үлкен шеберлікті қажет етті. Бұл қарулармен жауды алыста тұрып-ақ жарақаттауға болады. Жебелерді атқанда 200-400 метрге дейін жететін.

Екі жақ та мылтықты қолданды. Дәрімен атылатын және пілте мылтық пайдаланылды, Түйенің үстіне қойылатын зеңбірек қаһарлы қаруы болды. Бұл қарудың жарақаттау қашықтығы әріне, әлдеқайда жоғары болды.

Қабанбай батыр тек алып күштің ғана иесі болмаған, ол әскери өнердің білгірі болған, ол соғыс ісінің тәжірибесін жинап, әскери өнерді дамытып, соғыс тәсілін шебер пайдалана білген. Соғыс болмайтын уақытта, тыныштық кезеңде Қабанбай батыр жасақ жинап, тұрақты түрде соғыс тәсілдеріне үйрете бастаған, соғысудың әдіс-тәсілдеріне машықтандырған. Себебі, ұрыс тактикасына, соғыс тәсіліне, шайқас әдісіне ерекше көңіл бөлген. Қабанбай жасағын Тарбағатай тауының үстіндегі Мыңбұлақ бастауларының жанындағы Ақбет биігінің төбесіндегі кең жазықта жаттықтырады. Мақсаты – тұрақты әскер жасақтау болғаны белгілі.

Қабанбай батыр әр соғыстың тәсілін, үйретіп жеңіске жету мен соғыс тактикасын басты әдісі ретінде тұтқиылдан шабуылға шығуға баса көңіл бөлді. Жекелеген жүздіктер мен мыңдық жасақтардың қимылдары бір мақсатқа бағытталды.

Әрбір ірі әскери бірлестіктің өз туы, яғни жауынгерлік белгісі болды. Ту – әскери қарулануының бас белгісі. Соғыс кезінде кем дегенде екі қызметті орындады: бірінші, ол қасиетті белгі, екінші, кезі мен сапта әскерге